

老舊傳

貴陽府志二十八

卷76-77

新平船

PDG

貴陽府志卷七十六

知貴陽府事泰和周作楫夢盦輯

知貴陽府事博白朱德璉綬堂刊

傳四 耆舊傳一

二尹何三謚七生傳第十六

尹清字伯宗定番州人孫可望之入貴陽也父湯賓寄清於羅永而與州人士守城城陷湯賓闔家殉難惟巾子良被傷而不死清聞難卽入城及至城賊已退火尚未滅於海馬坡草際得良支體悉創淹臥氣息欲絕清急裂衣裹創哺之以糗稍蘇良告清以父

及三弟均赴火殉難已得重傷負母以逃暈絕於地
勸母且避母亦被創諒去不遠也乃相與沿河尋之
於積尸旁得母左足傷急負之而以手挽良行一晝
夜達鼠場又二日抵改窰因搆茅屋以居哥兄採蒿
藜以充食逾年兄創愈而母創漸復乃徙盧番久之
母兄咸卒清年八十二以歲貢生終子開運開來開
治開運貢生先清卒開治舉人清以父死王事常欲
建祠祀之而兵燹之後田宅多爲人所侵不能建
臨歿以屬其子開來開治乾隆中湯賓入祀忠義孝
弟祠子孫乃得建祠於鄉

尹湯寅字子敬定番州人父思民明末上杭知縣孫可望之入貴陽也思民寄湯寅於落河簡氏年方十一城陷思民殉難逾日湯寅入城求父尸與母黃氏遇於米丹母抱之而哭湯寅遂與母至城尸不可得湯寅晝夜號泣擗踊期以必得時思民子惟湯寅存母告以父盡忠於王事雖不得尸榮名峻節甚於牖下死者萬萬汝以幼年而哀痛如此倘復傷性而夭尹氏宗祧絕矣絕祀爲不孝之大豈可使忠臣無孝子乎屢如是言之湯寅始稍節哀平時以讀書奉母終其身康熙五年舉於鄉旣舉不赴會試不謁選人

或勸之答曰讀書非進取之資但欲以衍吾先人之
世業耳吾父死不得尸而葬尚能理政臨民乎卒年
六十一子佐璉淑瑛珣

何夢熊字渭飛其先廬江人官於長壽因家焉明末
避流寇之亂始徙貴陽之小高寨遂爲貴陽人夢熊
少慷慨有奇志吳逆之變雲貴陷沒夢熊常往來西
南諸府衛審山川險隘密訪賊中虛實貝子章泰湖
廣總督蔡毓榮進討駐師安順夢熊詣軍門見毓榮
陳進取策謂宜分兵爲二路大師自安南攻其門戶
別遣奇兵北出烏撒撫其不備彼必潰潰而乘之賊

可盡也時毓榮已密定此計夢熊言適與合大喜置軍中遂偕之北出敗賊別帥於平遠復黔西大定畢節夢熊計居多旣而章泰敗賊帥線緘於江西坡征南大將軍賚塔亦敗賊於黃草坨毓榮欲追賊慮其師少夢熊謂密檄征南趨之會兵然後具子繼進此萬全之策也毓榮從之遂進至曲靖與賚塔兵會章泰乃進兵章泰至曲靖遂合諸軍兵至雲南吳逆平夢熊之從毓榮比出平遠也毓榮以便宜假贊善職夢熊弗受及復大定欲薦夢熊於

朝復以母老辭至是毓榮與賚塔以先至曲靖功最

賚塔知趨師之計出於夢熊又欲合薦於

朝夢熊復不肯事平乃歸里巡撫楊雍建聞其賢延

之於幕勸理黔疆緩撫事宜具有條理且爲平反冤

獄數十事雍建甚倚賴之其後閩興邦巡撫貢州夢

熊復入幕襄事黔西多密箐無耕作業民恒以采木

掇果實及蒼耳子爲業有點民某甲欲規一大箐慮

民之不從也乃作僞符使人得之林中云天便某甲

主此地無知者翕然從之某甲遂規此地而擅其利

附者曰益衆黔西遂以叛聞夢熊言於興邦曰此奸

民規利耳可戮其首焚其符散其衆無事用兵爲也

與邦從之事遂解久之卜居開州之思茅

卒子孫遂為開州人子錦別有傳

夢熊字滑飛貴陽人天資英敏博覽羣書

一王書法王詩文疊韻長篇援筆立就尤善

二進取常往來滇黔問綏觀山川形勢經

熟察賊勢強弱會王師南討貝子彰泰督

榮至安順公慨然詣軍門請見曰某久願

為萬民請命先是督師夜夢觀星忽西南

懷堂瑩然喜而寤詰朝公求見即召之公

師見之驚曰偉丈夫也舉止都好進詢之

益異之督師因屏人叩以平賊計公曰吳

南已闔兩世地險兵強未易猝下也愚謂

盤江直前攻其門戶彼必悉力拒守我別

奇兵出平遠黔西趨大定而檄廣西兵由

草壩賊於二處雖置兵屯守然聞大軍并

是也督師者已陰定夾勦策不意公言適

合大奇之

年七十

元何

傳公

識一

太傳

逆亂

要臨

師蔡

見主

星墜

魁梧

氣仇

據有

兵由

鏡師

城出

攻盤

更問賊軍情形公指陳大勢了了如見又問
軍中事宜公請給紙筆隨草數紙以進督帥
存之勅軍事我師遂進貝子敗其偽將綽
督師敗其偽將高起隆於平遠廣西兵敗其
繼祖於黃草壩賊退保羅平是役也未錄公
師先定此策故也然自是愈委重焉凡有決
中簡督師分兵敗賊於黔西遂西復大定畢
兵力少密請促廣西兵合進督師遂先會廣
曲靖又會貝子始進遂入雲南吳逆平督師
平遠也幕下士應遠難克多託故辭歸有某
學病欲去督師燭其僞弗許某疑公問之呼
甚公不與較白於賀師曰昔信陵擊秦觀老
得歸養今某母果老且病將軍方以忠孝教
道之且府中後父如林何必是督師然之公
賦詩以饑某感泣而去軍中皆重其量嗣
持公時以計授督師戰屢勝督師特策公以
朝而官之公曰某有老母在願歸白母而後
公固知母之不欲公在也公歸告母母喜
督師盛意良足感但歷年應剿賊績未報

今復命蓋
人果曰

賊軍相
復置酒

病者予
人何不

節時以
西兵於

比出
某者假

必遠涉我衰矣難任道途舟車之苦爾又不忍離我
奚以官爲可善辭之公以母命力辭督師益重母賢
而從其志仍留勦理厚遇之吳逆既平督師與廣西
兵功最時帥廣西兵者爲征南大將軍賁塔征南知
促師之謀出於公遂與督師共議復薦公於朝公
復力辭並請旋里養母而新撫楊公稔公名延公語
曰若不欲官不以強惟黔甫定正需幹材整理助我
者惟子且子父母之邦也公從之仍居幕府凡文移
題奏悉出公手無不允協嗣撫黔諸公遞相引重時
固軍興旁午有司未暇理庶獄積案日多有無辜久
羈囹圄者公慨檢案清理商撫軍飭屬整釋具報凡
平反冤濫者數十案且兵役方罷地方一切利弊知
無不言及宣化閭閻公興邦來撫黔尤爲倚任閭公
任未幾忽黔西以民亂報黔西多密箐民採茗耳果
木爲業有奸孽某甲將規其大箐爲利而慮人之不
從也僞爲符命使人得之林言天使某主有此地一
時無知者靡然從之某甲遂擅有山場之利附者日
益衆有司遞以叛告撫軍將請勦公曰此頑冥之輩
非有不軌謀特網利耳今目之以叛逆率爾興兵株
連必衆如或走險無擇我悉衆而攻彼必悉衆而拒

真有事矣且師行必有供億供億必需諸有司奉行不善擾農累官爲害滋甚愚見宜從寬典姑諭以禍福懲其首焚其符散其徒衆事平矣奚以兵爲撫軍從之事得解又數年以母老辭卜宅於開州之思茅坪居焉閉門養親課子自是足不履城市年逾七十猶於燈下作小楷點畫無誤壽七十七公子錦中式雍正癸卯舉人復舉明通進士官浙江知縣遇覃恩贈公文林復舉明通進士官浙江知縣遇吉士官翰林院編修出守涼州復遇覃恩晉贈公中憲大夫皆如其官次孫德峻乾隆乙丑進士改庶吉士官翰林院編修曾孫泌乾隆丁未進士元孫應杰爲嘉慶壬戌進士皆官翰林院編修自曾元以下登賢書貢成均列膠庠世澤正未有艾也

諶文學字慕游開州人幼通經史精易數好爲邵祝之學言多奇中崇禎四年宋氏削平初以十二馬頭地置開州河防道僉事沈楚翹主營建之務聞文學

賢延之使辨正城門州署甚得陰陽背向之宜頃之以能文補州學生十六年州境有亂知州黃嘉雋東目聶禁戰死州城陷副總兵楊得勝率兵討之文學參其軍務所籌無不奇中一軍倚之擬之周瑜號曰小周郎得勝累勝賊卒以其謀復開州已而得勝從總督李若星東討流寇文學亦贊其軍謀師次辰州聞北京陷乃還入

本朝仍以儒生進康熙元年以

國恩貢於國子學吳三桂反遣使徵之不至強以僞官不受因削其國子學籍將中以罪文學逃之仙人

洞以免吳世璠平仍以恩貢生除鄖陽知縣安徠綏
集劇有善政久之告歸悉以其俸入散宗族鄰里年
八十五忽聞天樂奏於空中自知欲歿冠帶拜其先
祖坐堂中呼子姪勵獎之言畢而卒州人異之子會
濱州學生性至孝居喪盡禮其哭踊饋奠之時輒有
雙鶴來鳴於其父之柩前人以爲孝感所至文學之
逃仙人洞也或以會濱能文章言於僞提學提學將
欲置之優等以慰藉其家難會濱聞之亦逃恢復後
始出應試需次充歲貢生會濱弟會瀛亦州學生會
濱之逃也僞有司愈惡之謂會瀛實使逃且其父子

昆弟咸有異才恐爲他國用因繫會瀛於獄吳逆平始出獄復學籍總督巴錫重其父子之知逆順特旌其門卒皆祀鄉賢其時又有

大清七生者曰簡應時曰盧學新曰盧應龍曰盧應鳳曰盧應奎曰盧國賢曰王之林皆開州學生也僞有司迫之應試皆逃事平治出時人號之爲

大清七生卒皆祀於鄉賢云

王劉王朱傳第十七

王孫章字天工貴陽人總督尊德子孫章幼有大志爲童子習制舉業時輒殫思經濟隨尊德任所凡文

貴陽府志 卷十一
案卷籍罔不綜覽以事還里適貴陽有安氏之亂孫
章屢貢謀於當道且督率義勇守城貴陽圍解孫章
以弱年有功人咸稱之旋復至尊德任所軍府事多
所肇畫尊德甚愛之不使離左右尊德卒孫章哀毀
盡性順治中從軍有功經略洪承疇薦之於

朝起家刑部員外郎就升郎中讞斷平允考滿出爲
九江知府九江地當衝要且兵燹之餘黎庶凋散物
力衰減孫章至多方招撫勸農桑緩催科流民始復
歲漸豐稔乃講學與士九江人士之獲舉者遂倍於
他府瑞昌有劇盜彭澤有疑獄孫章爲靖其根株治

其株連循聲大起旋以丁內艱去職士民泣涕送之者載道服闋後寓居江陵卒因葬於江陵城南銅井子承禎承祥承祐承裕承祺承祐康熙二年以第一名舉於鄉承祥與承禎同年舉人九年成進士官至廣西提學副使承裕承祺皆學生承祐別有傳

劉子章字闇然貴筑人幼有文名留心古今政治以翹異補縣學生吳逆之亂貴筑不舉鄉試者再康熙二十年吳逆既平補行十九年辛酉科鄉試子章以第一人舉於鄉除鎮遠教授其時

朝廷檄天下直省纂修通志貴州於三十一年巡撫

衛既齊聘貴陽吳中蕃李祺任纂輯之事子章亦與焉旋以薦官襄城知縣值歲歉盜賊四起子章爲之謀賑上言於大使下勸積貯之家減價以糶並借粟於富室且嚴刼賊之科民始少安又爲民開渠水利大興歲亦豐收是時天下初平緣營兵亦橫子章至申勸將領大加檢束兵始稍戢縣有緣營兵曰王荆州者強逼孀婦欲姦之婦不從被殺前知縣弗敢問孀婦子訟之官四年獄不決子章逮荊州訊之營兵大譁相率至知縣署前子章若弗聞訊掠如故訊畢卽定讞下之獄營兵亦退把總孔起揚見民曰王才